

عدد — ۸۸

امور اداره و تحریریه و اعلانات و ساژہ
ایچون مدیر مسئولہ مراحت ابدالمبدر.

صرفای امتک مقالات متصوفانہ لرینہ
جریدہ سوفیہ نک حیفہ لری آچہ بیدر.
درج ابدلیان اوراق اعادہ ابداز .

جریدہ تصوفیہ

شیمدیلک هفته ده بر نشر اولنور .

نسخہ سی ۴۰ پاره در

ابونہ سی : بر سنہ لک اعتبار بلہ ممالک
عنائیہ ایچون ۴۰ الی آیلنی ۲۵ فروش
وممالک اجنبیہ ایچون اون ایکی فرانقدر

حل اداڑہ باب عالی جوارندہ ابوالسعود
جادہ سده نجم استقبال مطبعہ سی

تصوفی ، دینی ، اخلاقی ، سیاسی جریدہ اسلامیہ در

کدیلر اولجر دیدیلر راسا تاریخی
کری عنایده جان نصوحی فاتحه
۱۱۳۰

کلیات ابن الرحمن دن :

ادبی باغچه لری :

عدد
۶۲

(بشیک)

- بشیک — های قدرک ایلک قوندینی محلدلر .
- بشیک — ایلک سریر حیاتدر .
- بشیک — ماهیت ، سخیه نك ایلک سینۀ نما و تر حیدر .
- بشیک — ایلک صباح خلقتی قارشیلایحیدر .
- بشیک — سسی حیاته ایلک نصیۀ مسار، ینه ایلک مژده مزاردلر
- بشیک — صیانک محروم بر کائنات محدودیدر .
- بشیک — ولوله ، دبدبه ، دغدغه مدلوللری بر لسان حال ایلک
- افاده ایدر بر مفهوم مجسمدر .
- بشیک — بدبختانک ایلک لانه حرمانیدر .
- بشیک — حن بشر ، مشاق کون ، مزاحم دهرک ایلک محل
- حسن و ذوقیدر .
- بشیک — حقک ، حقیرلنک ، ایکی ضدقوتک انسانده برلشدیکی
- ایلک موقفدر .
- بشیک — بشریتک ایلک (ناله) یتاغیدر .
- بشیک — ایلک محیط عجزتیدر .
- بشیک — ایلک منزل افتقاردلر .
- بشیک — ایلک قدمۀ حصر و حسرتدر .
- بشیک — انسانک دوشدیکی ایلک مکان امل و انتظاریدر .

قلعۀ سلطانیلی

ابن الرحمن

شیخنا

مقام مشیخت علیا

سرای هایونده

شیخ الاسلام اسعد افندیکن وقوع استیغاسی اوزربنه مقام مشیخت
طرف اشرف حضرت پادشاهیدن ایواقف باظری خیری بک افندییه
توجیه بیورلسیله اولکی کون ماین هایونمدیری رجائی بک واسطه سیله

تربه منوره لری معمور و مزین اولوب زیارتگاه انامدر حضرت
پیره بک زیاده مجلویت قلییم اولدیغندن تربه شریفه لری حقتده
بر تاریخنجه شوقطعه بی سوبیش ایدم :

نصوحی پیر ناصح اکرم انطاب غالدلر انک قلب سلیمی سر پاک حق حاویدر
خشوع تام ایله رومال اولای زائر عاشق بو تربه خاله اینش بیت معمور ساویدر
حضرت نصوحینک کالنی اکلایه بیلمک ایچون معصنات جلیله سنه
نظراتک لازم کایر ! (رساله رشديه قسماً عربیدر) رساله فخریه ،
رساله ولدیۀ ، شعب الایمان ، جمع الاحادیث ، موعظه صورتیه تفسیر
شریف ، شرح قصیده محمدالمصری ، رساله تعیرات للشیخ محمدالنصوحی
مرسلات .

غایت عاشقانه سوبیلنمش نعوت شریفه وسائر اثار منظومه لری
ونثراً طرز تحریرده سلاست افاده لری اولوب بر نعت شریفی ایلک
سودیکی بر ذاته یوللادیقی مکتوباتندن بری تبرکاً نقل اولونور .

المین عشاق شیدا دائما	طلعتکدر یارسولاه سنک
دردایله آم ابتدرون صبح و مسا	حسرتکدر یارسولاه سنک
روز و شب کارم بنم انشان ایدن	نارحسرتله دلم سوزان ایدن
دمبدم بو کوزلرم کریان ایدن	فرقتکدر یارسولاه سنک
اسنیانک کوردیکی لطف خدا	اولیانک سوردیکی ذوق و صفا
انیانک بولدینی رفت نها	دولتکدر یارسولاه سنک
مرحت قیل بن غریب آواریه	مجرم رحمایله یوزی قاریه
شفقت ایتک بیکس و یچاریه	عادتکدر یارسولاه سنک
ای شفیع المذنبین نور احمد	برغریکدر نصوحی ایتله طرد
باب لطفکدن کرم قیل ایتله رد	امتکدر یارسولاه سنک

مرسلاتندن

بسم الله الرحمن الرحيم الحمد لولیه والصلوة علی نیه بنم اوغلم
عبدالکریم افندی تکیمنه کیتمشیدک با امر خدا اطراف ملکوتدن
خدمت دعا کزله اشتغاله عازم اولان شیخ احمد قرداشکنز عالم ارحامدن
عالم ناسوته کلشدر له الاعطاء له الانعام خانه مزه کلدی کمزده اشک
فشان ودیده کریان بولدق خیردر انشاء صفا کلدک عاشق دیدم لسان
حال ایلک (عالم اطلاقدن شودار تکلیفه کلن اغلامز می مع هذا بردار
مخدرکه موانسته انیس یوق ، مجالسده انیف یوق ، ذوق یوق ، سرور
یوق ، الم چوق ، انجم کاری سکران موت ، عالم برالم ، براقکنز بنی
اغلا ییم یورکک دردینه مرهم اوردیم ،) دیدی راحتسز اولمسون
دیه قوند اقلیدیلر جهانی کورمسون دیه دوواقلادیلر .

حسین وصاف

دائرة مشيخته

دائرة مشيخته بالخاصه تزين ايدلمش ومأمورين مشيخت شيخ الاسلام افندي حضرت تيرينه انتظاراً دائرة حوليسنده اخذ موقع ايتشلردر . شيخ الاسلام افندي حضرت تيرى ساعت ايكي بجغه طوغرى باب على به كلكرى هيشه دائريه داخل ومقام معلاى مشيختى اشغال بيورديلر . دعا كو افندي طرفندن بليغ بردعا قرائتدن صكره فتوا امينى حاجى احمد توفيق افندي على الاصول بروجه آتى بر فتوا كتيبردى : « زيد مؤمن بر امر ذى باله شروع ايتدكده مبارك وكامل اولقى ايچون بسم الله الرحمن الرحيم الحمد لله رب العالمين ديمك لازم اولورمى ؟ الجواب : اولور . »

مشار اليه حضرت تيرى تيمناً مذكور فتوايى وبعد كنديلرينه تقديم اولنان حجت وتعميمى امضا ايتشلردر .

فضاة كرامه كشيده اولنان تافرافنامه صورتيدر : عواطف سنيه حضرت خلافتناهيدين مسند مشيخت بوكره عهده مخلصى به تفويض بيورلغله مستعيناً بتوفيقه تعالى ايفاي وظيفه به مباشرت اولندى . مأمورين شرعيه نك وظائف مو كوله ليرى احكام عادله شريعت واساسات مبجله مشروطيت دائره سنده حسن ايفايه اعتنا ايتلىر بغايت ملتزم اولديغندن بومسلك قويه سالك اولانلرك نائل مكافات وخلافى حر كنده بولنانلرك دوجار مجازات اوله جقلىر خاصة اخطار وماحققات قضائيه ايفاي وصايا اولنمسي توصيه اولنور .

شيخ الاسلام و اوقاف هايون ناظرى

خيرى

اوقاف هايون نظارتى وكالتى

شيخ الاسلام خيرى افندي حضرت تيرى اوقاف نظارتى وكالتى ده ايفا ايدجكلردر .

ارتحال مؤسفف

بر مدت نبرى راحتسز بولنان شيخ الاسلام اسبق عبدالرحمن نسيب افندي ترك جامه حياتله واصل رحمت رحمن اولمشدر .

بر آى قدر اول ارتحال داز نعيم ايلينان مركز افندي شيخى مرحوم احمد مسعود افدينك حرمى خام دار آخرته انتقال ايتشلردر .

سابق امام اول حضرت شيريارى الحاج اسماعيل حقى افندي ارتحال دار عقب ايلش ويحيى افندي دركاهى خطيره سنده دفين خاك عطرنالك قلممشدر .

رحمة الله عليهم

مدير مسئول : حسن كاظم

نجم استقبال مطبه سى


مشاراليه سراى هايونه دعوت ايدلمشدر .

اراده سنيه حضرت پادشاهى موجبنجه خيرى بك افندي صدراعظم حضرت تيريله برلكده اوكله دن اول سراى هايونه عزيمت وسرقرين حضرت شيريارى محمد توفيق وباش كاتب على فواد بككر دلايليه حضور شاهانه به قبول بيورلمشدر .

ذات حضرت پادشاهى ، مسند جليل مشيخت اسلاميه نك عهده لرينه توجيه اولنديغنى بيان ايدل كدن صوكره اوقاف ومؤسسات اسلاميه نك اعمار واصلاحى امرنده مشاهد اولان مساعى رويشكارانه لرينه نظراً محاكم شرعيه نك حسن تنظيمى ومدارس اسلاميه نك اصلاحى حقنده كى ارزوى هايونلرينك حصوله موفق اوله جقلىر عهده شاهانه لرينك بر كمال بولنديغنى ده علاوه وحقوق اسلامك تايمتنى وايتام صندوقلىر معاملاتنك تنظيمى ده آريجه اراده وتوصيه بيورمشلر ومشار اليه حضرت تيرينك توفيقات صمدانيه به مظهرى تنى ايتشلردر .

طرف اشرف حضرت پادشاهيدين لطفاً ابدال بيوريلان التفات وعاطفتدن دولاي شيخ الاسلام افندي حضرت تيرى خاك كاي شاهانه به عرض تشكر وعبوديت ايتمشدر .

خط هايون صورتيدر :



« وزير معاليه سيزم محمد سعيد پاشا »

« شيخ الاسلام اسعد افدينك وقوع استعفا سنده ومقام مشيخت بالجله محاكم شرعيه ومدارس علميه نك مرجعى اولوب مؤسسات مذكوره نك احكام شرعيه واحتياجات حاضره به كوره تنظيم واصلاح امورى لابد و اوقاف هايونمز ناظرى خيرى افدينك مؤسسات علميه وخيريه وقفيه نك حسن اداره سى امرنده مساعى رويتمدانه سى مشهود اولمسنه وكندوسى اساساً طريق علمى به منسوب ومعاملات شرعيه به واقف بولنمسنه مبنى مسند مشيخت اسلاميه عهده استيهاله توجيه واحاله اوله رق باب عاليه اعزام قلممشدر . جناب حق توفيقات صمدانيه سنده مظهر بيورسون آمين بحرمه سيد المرسلين .

۱۸ ربيع الاخر سنه ۱۳۳۲ ۳ مارت سنه ۱۳۳۰

محمد رشاد

دعا كو افندي طرفندن بردعا قرائتنى متعاقب وكلا ومأمورين ايفاي راسمه تبريكات ايلديلر ، بعده شيخ الاسلام افندي حضرت تيرى عين مراسم ايله دائرة مشيخته عزيمت بيورديلر .